



21. November 2020

UKA 2020/195

Illersornissaqarfiup sulisui pillugit inatsisip allangorneranut inatsisit aalajangersimasut Kalaallit Nunaannut atuutilernissaat pillugit kunngip peqqussutaatigut atuutilersinneqarnissaa Namminersorlutik Oqartussat akuersaarsinissaat pillugu Inatsisartut aalajangiiffigisassaat.
(Nunanut Allanut Nukissiuuteqarnermullu Naalakkersuisoq)

Illersornissaqarfiup sulisui pillugit inatsisip allangorneranut inatsisit aalajangersimasunut tunngasoq saqqummiunneqarpoq. Paasivarput allannguinerup siunertarigaa illersornissaqarfiup sulisui tamarmik assigiinnik atugaqarnissaasa qulakkeerneqarnissaat, naalagaaffeqatigiinnermi sorlermi inatsit pineqartunut atuunnersoq apeqqutaatinnagu. Aammalu Kunngip peqqussutaata sorsunneqalissappat ajornartoortoqassappalluunniit, tamassumunnga ilanngullugu ajunaarnersuaq pinngortitat imminnit pilersitaat il.il., illersornissaqarfiup sulisunik aggersaasinnaaneranut periarfissat annertusarneqassallutik.

Aamma paasinninnerput uaniippoq, danskit sakkutuuat kalaaleq Nunatsinni najugaqartoq ullumikkut nunatsinni najugaqarnini pissutigalugu sorsukkiaqqullugu aggersarneqarsinnaanngitsoq aaggersarneqarsinnaalissaaq.

Aamma imatut paasinnippugut, danskit illersornersaqarfiat sakkutooqatigiinnik upalungaarsimasunik nunatsinni ilinniartitsisinnaaneq siuarsaernerlu peqqussutip qularnaassagaa. Pineqartut sakkutooqatigiinnut upalungaarsimasussanut ilaasussatut toqqarneqartut qaammatini arfineqpingasuni sakkutuutut ilinniakkamik naammassisaqartassallutik angerlartinneqareernerisalu kingorna ukiut tallimat iluanni sakkutooqatigiinni upalungaarsimasuni kiffartuussinissaannut aggersarneqarsinnaassallutik.

Naatsumik oqaatigalugu Kunngip peqqussutaata siunertaraa Nunatsinni sakkutooqqarnikkut ingerlatsilernissap inatsisitigut tunngavissinneqarnissaa.

Uagut Partii Naleqqamiit erseqqissumik oqaatigissuarput Nunatsinni sakkutooqaleernissaq isumaqatiginnginnatsigu, imatut paasillugu uagut kalaallit eqqarsartaaserput kulturerpullu aallaavigalugit sakkuttooqarneq sorsunnermut attuumassuteqartuutikkatsigu aammami taamaaappoq.

Partii Naleqqap anguniarpaa Kalaallit Nunatta sakkulersorfiusutut sakkutooqarfiunnginnissaa. Danskit amerikarmiullu sakkutooqarnikkut Kalaallit Nunatsinni soqutigisaat pillugit kalaallit Nunarput nammineerluni nutaanik isumaqatigiissuteqartariqartoq. Naalagaaffiup sakkutooqarnikkut aaqqissuussineranut pituttornani.



Partii Naleqqap sorsunneq naaggaarpaa, Kalaallit Nunaat sakkulersofiussanngilaq. Sorsunnissamik siunertaqartumik suliniutinut kalaallit Nunaat atorneqassanngilaq.

Kalaallit Nunatta Nunarsuarmi inissisimalluarnera pissutigalugu nunarsuarmi eqqissinissamik siunertaqartumik suliniutinut tamanut Kalaallit Nunaat atorneqarsinnaassaq, tamannalu anguniarlugu nakkutilliinikkut aqqissuussinerit isumannaatsuut Kalaallit Nunaanni ingerlanneqassapput.

Killeqarfinnik nakkutilliinerit, ajornaarnersuaqarsinnaaneranut sillimaniarnerit, avatagiisinik nakkutilliinerit il.il. Isalannimiut SAR-rimik aqqissuussinerattut ilusilimmik aqqissuusisoqassaaq.

Tamannalu naapertorlugu nunarsuup issittortaani inissisimasumi pinngortitarsuarmi inuuniarnissamut annaassiniarnissamullu, inuussuttut ilinniartitaasarnissaat pinngitsoorani aqquusaagassanngorlugu aqqissuunneqassaaq.

Tamatut oqaaseqarluta nalunaarutigissuarput siunnersuummut isumaqataannginatta.

Pele Broberg, Partii Naleraq